



"REGIONALNA DEPONIJIA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-374/21
Zenica: 17.06.2021. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-227/21 od 12.04.2021. godine u konkurentskom postupku nabavke „Asfaltiranje interne saobraćajnice“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

O D L U K U

o izboru najpovoljnijeg ponuđača i dodjeli ugovora za "Asfaltiranje interne saobraćajnice"

Član 1.

Prihvata se zapisnik o ocjeni ponuda Komisije za javnu nabavku, broj: 02-373/21 od 17.06.2021. godine i Ugovor za "Asfaltiranje interne saobraćajnice", dodjeljuje se ponuđaču "Komgrad-ze" d.o.o. Zenica na osnovu njegove ponude, broj 1-859/21 od 11.06.2021.godine, i to za ponuđenu cijenu od 37.622,00 KM bez PDV-a, kao najbolje ocijenjenom.

Član 2.

Prijedlog ugovora dostavit će se na potpis izabranom ponuđaču **"Komgrad-ze" d.o.o. Zenica** najkasnije u roku od 10 dana, računajući od dana od kada je obaviješten o izboru najpovoljnije ponude a nakon što Odluka postane pravosnažna i konačna.

Član 3.

Ova odluka objavit će se na web-stranici Ugovornog organa (www.rdm.ba) istovremeno s upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke "Asfaltiranje interne saobraćajnice" za potrebe Ugovornog organa pokrenut je Odlukom o pokretanju postupka javne nabavke, broj: 02-226/21 od 14.04.2021. godine.

Procijenjena ukupna vrijednost javne nabavke bez PDV-a je 30.000,00 KM.

Javna nabavka je provedena konkurentskim zahtjevom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 01.06.2021. godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-7-3-140-3-7/21.

Komisija za javnu nabavku imenovana je Odlukom direktora Ugovornog organa, broj: 02-227/21 od 12.04.2021. godine.

Dana, 17.06.2021.godine Komisija za javnu nabavku je dostavila Zapisnik o ocjeni ponuda, broj: 02-373/21 od 17.06.2021. godine u postupku javne nabavke "Asfaltiranje interne saobraćajnice".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da je ukupno dostavljeno pet (5) ponuda,
- da je blagovremeno zaprimljene pet (5) ponuda,
- da nije bilo neblagovremeno zaprimljenih ponuda,
- da sve dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

U skladu s tim Komisija je konstatovala da sve ponude koje su dostavljene u natječaju ispunjavaju formalno - pravne uslove i da su prihvatljive i da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

U tabeli broj 1. je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prihvatljivih ponuda prije provođenja e-aukcije, kako slijedi:

Tabela broj 1.

Rang	Naziv ponuđača	Ponuđena cijena (bez PDV-a) u KM
1.	Komgrad-ze d.o.o. Zenica	37.622,00
2.	Špicbeton d.o.o. Zenica	41.872,00
3.	D.o.o. Geo – put Maglaj	46.166,00
4.	Ado-trans d.o.o. Visoko	48.270,00
5.	Trgošped d.o.o. Kakanj	50.590,00

U skladu sa Zakonom o javnim nabavkama i odredbama tenderske dokumentacije zakazana je e-aukcija na dan 17.06.2021. godine u 12:30 sati.

U toku e-aukcije nije bilo podnošenja ponuda te je rang lista ponuđača ostala nepromijenjena.

S obzirom da ponuda, broj: 1-859/21 od 11.06.2021. godine od ponuđača "Komgrad-ze" d.o.o. Zenica, ispunjava sve formalno – pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, da je ovaj ponuđač ponudio cijenu ponude od **37.622,00 KM bez PDV-a**, ova ponuda ocijenjena kao prihvatljiva i najpovoljnija. Iako ponuđena cijena kod najpovoljnije ponude prelazi procijenjenu vrijednost nabavke, Ugovorni organ je odlučio da prihvati ovu ponudu iz razloga što je asfaltiranje interne saobraćajnice na Regionalnoj deponiji "Moščanica" neophodno, da bi imao optimalne uslove za cestovni pristup odlagalištu otpada kao i uređaju za prečišćavanje deponijskog filtrata. Također, na javnom natječaju je prijavljeno pet ponuđača i ponavljanje postupka nabavke, uz istu količinsku osnovu predmeta nabavke koja se ne može umanjiti, ne bi značilo da će Ugovorni organ u ovom momentu dobiti cijenu ponude koja je u okviru planiranih sredstava.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.


Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema Odluke.

Dostaviti:

- 1x Ponuđaču: D.o.o. Geo – put Maglaj
- 1x Ponuđaču: Špicbeton d.o.o. Zenica
- 1x Ponuđaču: Trgošped d.o.o. Kakanj
- 1x Ponuđaču: Komgrad-ze d.o.o. Zenica
- 1x Ponuđaču: Ado-trans d.o.o. Visoko
- 1x a/a

Direktor

Adnan Šabani, Bsc. ecc.

